

2018 წლის დეკემბერში, 2018 წლის ნოემბერთან შედარებით, თბილისში სასტუმროს ფასები 11.9%-ით გაიზარდა, საოჯახო ტიპის სასტუმროების ფასების ზრდის ტემპი (21%) მნიშვნელოვნად აღემატება 3\*, 4\* და 5\* სასტუმროს ფასების ზრდის ტემპს (9.3%). აღნიშნული დინამიკა განსხვავდება გასული წლის ანალოგიური პერიოდის დინამიკისგან, როდესაც თბილისში სასტუმროს ფასები 12.5%-ით იყო გაზრდილი, 3\*, 4\* და 5\* სასტუმროების ფასების ზრდა 15.1%-ს, ხოლო საოჯახო ტიპის სასტუმროების ფასების ზრდა მხოლოდ 3.6%-ს შეადგენდა.


2018 წლის დეკემბერში, 2017 წლის დეკემბერთან შედარებით, საქართველოში სასტუმროების ფასების ინდექსი 1%-ით გაიზარდა. რეგიონების მიხედვით, სასტუმროს ფასები ყველაზე მეტად აჭარაში (21.1%) და სამცხე-ჯავახეთში (14.8%) გაიზარდა. ხოლო თბილისში სასტუმროს ფასები 9.8%-ით არის შემცირებული. აღნიშნული შემცირება ძირითადად გამოწვეულია 3\*, 4 და 5\* სასტუმროების ფასების კლებით. მაშინ როდესაც თბილისში 3\*, 4\* და 5\* სასტუმროს ფასები 14.7%-ით არის შემცირებული, საოჯახო ტიპის სასტუმროების ფასები 9%-ით არის გაზრდილი.

აღსანიშნავია, რომ თბილისში ბოლო ერთი წლის განმავლობაში booking.com-ზე დარეგისტრირებული 3\*, 4\* და 5\* სასტუმროების რაოდენობა 46%-ით გაიზარდა, მაშინ როდესაც საოჯახო ტიპის სასტუმროების რაოდენობა 19.1%-ით არის გაზრდილი.

### სასტუმროების საშუალო ფასები

2018 წლის დეკემბერში, საქართველოში 3-ვარსკვლავიანი სასტუმროების საშუალო ფასმა<sup>1</sup> 133 ლარი შეადგინა. 3-ვარსკვლავიანი სასტუმროთა შორის ყველაზე მაღალი საშუალო ფასი რეგიონებს შორის სამცხე-ჯავახეთში - 208 ლარი დაფიქსირდა.

4-ვარსკვლავიანი სასტუმროების საშუალო ფასმა დეკემბერში 240 ლარი შეადგინა. 4-ვარსკვლავიანი სასტუმროთა შორის, ყველაზე მაღალი საშუალო ფასი სამცხე-ჯავახეთში - 278 ლარი დაფიქსირდა.



გრაფიკი 1: მოცემულია 3, 4 ვარსკვლავიანი და საოჯახო ტიპის სასტუმროებში სტანდარტული 2 ადგილიანი ნომრის საშუალო ფასები რეგიონების მიხედვით. 5-ვარსკვლავიანი სასტუმროების საშუალო ფასები იხილეთ ტექსტში.

5-ვარსკვლავიანი სასტუმროთა საშუალო ფასმა დეკემბერში 502 ლარი შეადგინა. თბილისში, ამ ტიპის სასტუმროებში, სტანდარტული 2-ადგილიანი ნომრის საშუალო ფასმა 630 ლარი შეადგინა, აჭარაში - 483 ლარი, სამცხე-ჯავახეთში - 417 ლარი, ხოლო კახეთში - 300 ლარი.

საოჯახო ტიპის სასტუმროების<sup>2</sup> საშუალო ფასმა დეკემბერში 73 ლარი შეადგინა. ყველაზე მაღალი ფასი საოჯახო ტიპის სასტუმროებში 3\* და 4\* სასტუმროების მსგავსად სამცხე-ჯავახეთში - 89 ლარი დაფიქსირდა.

### სასტუმროს ფასების ინდექსი

საქართველოში სასტუმროების ფასების ინდექსი<sup>3</sup> 2018 წლის დეკემბერში, 2018 წლის ნოემბრის თვესთან შედარებით, 11.9%-ით გაიზარდა. სასტუმროების სტანდარტული ორ ადგილიანი ნომრების ფასები ყველაზე მეტად მცხეთა-მთიანეთში (24%) და სამცხე-ჯავახეთში გაიზარდა (27.3%).

საქართველოს ათ რეგიონს და თბილისს შორის, 2018 წლის დეკემბერში, ნოემბრის თვესთან შედარებით, სასტუმროს ფასები არც ერთ რეგიონში არ შემცირებულა.

საქართველოში 3, 4 და 5 ვარსკვლავიანი სასტუმროების ფასების ინდექსი 2018 წლის დეკემბერში, 2018 წლის ნოემბრის თვესთან შედარებით, 8.6%-ით გაიზარდა. ამ ტიპის სასტუმროებში ფასები ყველაზე მეტად მცხეთა-მთიანეთში და სამცხე-ჯავახეთში გაიზარდა. აღნიშნულ პერიოდში, 3, 4 და 5 ვარსკვლავიანი სასტუმროების ფასები მხოლოდ აჭარაში შემცირდა.

საქართველოში საოჯახო ტიპის სასტუმროების ფასები 2018 წლის დეკემბერში, 2018 წლის ნოემბრის თვესთან შედარებით, 18.7%-ით გაიზარდა. რეგიონების მიხედვით ფასები ყველაზე მეტად სამცხე-ჯავახეთში და თბილისში გაიზარდა. საოჯახო ტიპის სასტუმროებში, დეკემბერში, ნოემბერთან შედარებით, ფასები მხოლოდ ქვემო ქართლში შემცირდა.

2018 წლის დეკემბერში, 2018 წლის ნოემბერთან შედარებით, საქართველოში საოჯახო ტიპის სასტუმროების ფასების ზრდის ტემპმა გადააჭარბა 3\*, 4\* და 5\* სასტუმროების ფასების ზრდის ტემპს. აღსანიშნავია, რომ გასული წლის შესაბამის პერიოდში, 2017 წლის დეკემბერში, 2017 წლის ნოემბრის თვესთან შედარებით, სასტუმროს ფასების ინდექსი 9.3%-ით იყო გაზრდილი, 3\*, 4\* და 5\* სასტუმროების ფასების ზრდა 12.2%-ს, საოჯახო ტიპის სასტუმროების ფასების ზრდა კი 3.3%-ს შეადგენდა.

საქართველოში სასტუმროების ფასების ინდექსი<sup>1</sup> 2018 წლის დეკემბერში, 2017 წლის დეკემბერთან შედარებით, 1%-ით გაიზარდა. მოცემულ პერიოდში, სასტუმროების სტანდარტული ორ ადგილიანი ნომრების ფასები ყველაზე მეტად აჭარაში (21.1%) და სამცხე-ჯავახეთში (14.8%) გაიზარდა.

2018 წლის დეკემბერში, 2017 წლის დეკემბერთან შედარებით სასტუმროების ფასები ხუთ რეგიონში შემცირდა. თბილისში სასტუმროების ფასების კლება 9.8% შეადგინა.

რეგიონი	სასტუმრო		3*, 4*, 5*		საოჯახო	
	2018 დეკ/2018 ნოემ	2018 დეკ/2017 დეკ	2018 დეკ/2018 ნოემ	2018 დეკ/2017 დეკ	2018 დეკ/2018 ნოემ	2018 დეკ/2017 დეკ
სამცხე-ჯავახეთი	27.3%	14.8%	23.4%	8.3%	30.2%	19.2%
მცხეთა-მთიანეთი	24.0%	6.8%	48.8%	-4.9%	7.1%	19.1%
კახეთი	14.9%	-3.4%	1.9%	-2.2%	19.5%	-3.8%
სამეგრელო-ზემო სვანეთი	12.2%	3.3%	8.1%	9.6%	13.8%	-0.2%
თბილისი	11.9%	-9.8%	9.3%	-14.7%	21.0%	9.0%
იმერეთი	11.1%	0.5%	6.0%	-2.9%	15.2%	3.2%
რაჭა	5.7%	-10.9%			5.7%	-10.9%
გურია	5.6%	1.3%	3.1%	-13.1%	6.6%	13.4%
აჭარა	5.1%	21.1%	-2.1%	32.8%	15.1%	5.1%
ქვემო ქართლი	3.6%	-6.9%	7.2%	-4.5%	-1.1%	-11.5%
შიდა ქართლი	1.0%	-16.5%			1.0%	-16.5%
სულ ფასების % ცვლილება	11.9%	1.0%	8.6%	0.1%	18.7%	8.1%

ცხრილი 1: ფასების % ცვლილება 2018 წლის დეკემბერში 2018 წლის ნოემბრის ფასებთან შედარებით და 2017 წლის დეკემბრის ფასებთან შედარებით.

საქართველოში 3, 4 და 5 ვარსკვლავიანი სასტუმროების ფასების ინდექსი 2018 წლის დეკემბერში, 2017 წლის დეკემბერთან შედარებით, 0.1%-ით გაიზარდა. ამ ტიპის სასტუმროებში ფასები ყველაზე მეტად აჭარაში და სამეგრელო-ზემო სვანეთში გაიზარდა. თბილისში, 2018 წლის დეკემბერში, 2017 წლის დეკემბერთან შედარებით, 3, 4 და 5\* სასტუმროების ფასები 14.7%-ით შემცირდა.

საქართველოში საოჯახო ტიპის სასტუმროების ფასები 2018 წლის დეკემბერში, 2017 წლის დეკემბერთან შედარებით, 8.1%-ით გაიზარდა. რეგიონების მიხედვით, ფასები ყველაზე მეტად სამცხე-ჯავახეთში და მცხეთა-მთიანეთში გაიზარდა. მოცემულ პერიოდში, თბილისში, საოჯახო ტიპის სასტუმროების ფასების ზრდამ 9% შეადგინა.

ძირითადი ეკონომიკური ინდიკატორები										
	2016	I 2017	II 2017	III 2017	IV 2017	2017	I 2018	II 2018	III 2018	IV 2018
1	1978.3	450	544.3	642.6	569.8	2206.7	522.9	642.5	781.9	
2	6720	1378.1	1757	2969.9	1797.5	7902.5	1582.4	1979.6	3226.4	1891.1
3	3297.3	665	908.9	1629.9	865.7	4069.4	839.5	1094.2	1838.3	984.7
4	2166.3	425.7	629.9	1078.3	570.5	2704.3	550.7*	810*	1210.6*	
5	386.3	81.4	109.5	152	120.7	463.6	105.9*	126.4*	149.9*	
6	56.1	7.1	25.1	29.7	10.3	72.2	25.5*	-6.5*	36*	
1	ტურიზმის სფეროებში შექმნილი დამატებითი ღირებულება (მლნ. ლარი)			საერთაშორისო მოგზაურების რაოდენობა (ათასი კაცი)			ტურისტების რაოდენობა (24 საათი და მეტი, ათასი კაცი)			
4	შემოსავლები საერთაშორისო ტურიზმიდან (მლნ. აშშ დოლარი)			საქართველოს მოქალაქეების ტურისტული დანახარჯები საზღვარგარეთ (მლნ. აშშ დოლარი)			შირდაპირი უცხოური ინვესტიციები სასტუმროების და რესტორნების სექტორში (მლნ. აშშ დოლარი)			

1 შედეგები მიღებულია საქართველოს 10 რეგიონში და თბილისში 3, 4, 5 ვარსკვლავიანი და საოჯახო ტიპის სასტუმროების სტანდარტული ორ ადგილიანი ნომრების ფასებზე დაკვირვების შედეგად. სასტუმროების მერჩენდა მოხდა შემთხვევითი მერჩენის პრინციპით. ანალიზი მოიცავს booking.com-ზე დარეგისტრირებულ, საქართველოს ტერიტორიაზე განთავსებულ 3, 4, 5 ვარსკვლავიანი სასტუმროების 71%-ს (312 ობიექტი) და საოჯახო ტიპის სასტუმროების 25%-ს (456 ობიექტი). 3, 4 და 5 ვარსკვლავიანი

სასტუმროების ფასებზე მონაცემების მიღება სასტუმროებთან დაკავშირების საფუძველზე, ნოლო საოჯახო სასტუმროების ფასებზე ინფორმაციის წყარო booking.com-ია. საშუალო ფასები გამოითვლება სასტუმროების სტანდარტული ორ ადგილიანი ნომრების დღიური განაკვეთების საშუალო არითმეტიკულს გამოანგარიშებით. 2 საოჯახო ტიპის სასტუმრო - სასტუმრო, რომლისთვისაც დამახასიათებელია ნომრების მცირე რაოდენობა და სადაც

სტუმრებს მომსახურებას უწევს ოჯახი. 3. სასტუმროების ფასების ინდექსის გაანგარიშება მოხდა საერთაშორისო სავალუტო ფონდის მიერ შემუშავებული რეკომენდაციების მიხედვით. უმცირესი ერთობლიობის ინდექსი გამოთვლილია Jevons-ის ინდექსით. (Consumer Price Index Manual-Theory and Practice(2004), Practical Guide to Producing Consumer Price Indices (2009). 4 \* ნინასარი მონაცემები